

Te Heheuraa Api

E ITE I'A OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'U
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 7

-- TIURAI 1956 --

MAT. 43

“Davida E Golia”

(*I Samuela 17*)

Te vai tamau noa ra te tama'i i rotopu ia Iseraela e te Philiseti. E i roto ra i te hoê peho, ua faatia Iseraela i to ratou puhapa no te aroraa i te Philiseti, e i te tahi pae maira ua faatia'toa ihora te Philiseti i to ratou ra puhapa e faaineine atoa ihora no te tama'i atu i to Iseraela. E i te hoê mahana, ua haere maira te hoê aito rahi no te puhapa o te Philiseti, o Golia to'na ra i'oa. O te taata rahi roa'e ia teie o te mau faehan atoa o to Iseraela, e ono Kuliti e hoê tia-pana oia i te roa.

E taupoo veo tei nia i to'na upoo, e ua ahui i te ahui yeo, e i muri mai i to'ua tapono te vai atoa ra te paruru veo. Te vai atoa ra te paruru veo i nia i to'na ra na avae, hoê atoa hoi ta'ua raau mahae, hoê o'e tei tamauhia i te tahi pae ona ra, e taata taa noa'toa hoi to'na, no te afairaa i to'na ra paruru.

Inaha, i to'na hoi haereraa mai, e tiaraa mai i nia i te taha tama'iraa, ua faahopo ihora oia ia Iseraela. E parau atura ia ratou ia hopoi mai i te hoê taata no te tama'i atu ia'na, area ra, ei taata aito no te nunu o Iseraela. E mai

te mea hoi e pohe o Golia ia taua aito ra, e riro pau roa te mau Philiseti ei mau tavini no Iseraela, mai te mea ra, e upootia o Golia, o Iseraela ia te riro ei tavini no te Philiseti.

Teie te paran a Golia, "*Te vahavaha nei au i te nuu o Iseraela i teie nei mahana*". Ho mai na i te tahi taata e papai na maua.

I reira ihoa, na mata'u ihora o Saula e to'na atoa ra mau taata i te faaroora i te reo o Golia. Aore roa hoi e taata rahi mai ia Golia te huru i rotopu ia ratou ra, no te tono atu e tama'i i teie taata puai. E ua ite atoa hoi ratou e, aita e faehau i roto i to ratou ra nuu e nebenehe e tia'tui mna ia'na ra. Ua i'roa ihora to ratou ra mafatu i te ri'ari'a. Inaha, na ferni ihora ratou, ahiri paha ia Golia e ô mai i roto i to ratou ra puhapa? Eaha ra ia ta ratou ohipa e rave?

Ua haere noa maira o Golia i rapae i to'na ra puhapa, i te mau poipoi atoa, no na mahana e maha ahuru (40), e i te taime hoê, ua faahapo noa oia ia Iseraela, area ra, aore roa hoê to Iseraela i hinaaro noa'e e tama'i atu ia'na.

Ei taua taime ra, te tauturu noa ra ia Davida i to'na ra metua tane i te haapaoraa i ta ratou ra mau mamoe. E ua roto i te faaueraa a to'na ra metua tane, ua haere atura oia i taua taime ra i rotopu i te puhapa o te nuu Iseraela mai te afai atu i te tahi mau maa apî ra na to'na ra mau tuaana. Inaha, i to'na ra hoi faa-fatata-raa mai i taua vahi ra, ua ite ihora oia na nuu e piti, e o Golia atoa i te tia-noa-raa i nia i te tahua tama'iraa mai te piiraa e, a hopoi mai na i te paruru o te nuu o Iseraela. E i to Davida hoi iteraa e, aita e taata no te nuu o Saula e tia ia haere atu i mna i teie nei taata rahi, e ia faa-fatata mai hoi Golia ia ratou ra, e horo ia ratou ma te ri'ari'a rahi. Ua peapea roa ihora Davida no te reira, e ua na ô atura oia, no te aha te nunaa a te Atua e ri'ari'a ai i te hoê taata Philiseti aau tei-tei?

I to Davida ra hoi taeraa i roto i te nuu Iseraela, no te farerei atu i to'na ra mau tuaana, ua parau maira ratou ia'na, "*ur ite nei oe ia Golia?*" Ua parau atura oia ia ratou, e, ua ite iho nei van ia'na, teie ra, eaha te hoê o outou i ere ai e haere atu i rapae no te taparahi atu i teie nei taata rahi, e ia faahapo atu ia'na. Ei taua taime ra, aore roa ia te hoê i pahono noa'e i taua parau ra. Ua parau vitiviti ihora Davida, no te mea, ua mana'o oia e, e ere ia i te mea tia i te mau taata o te Fatu ia na reira, no te mea, aita to Iseraela i faahapa noa'tu i taua taata rahi nei.

E no to tatou tamaiti tia mamoe nei parau pinepine noa raa i taua parau ra, na riri ihora to'na iho mau tuaana, e ua tamata ihora ratou i te haamamu ia'na. Area ra, ua faaite ihora te hoê taata ia Saula i ta Davida i parau ra, i reira ihoa, ua afai maira te arii i taua tamaiti apî nei, o tei ani atoa mai i to'na ra mana'o. Mai te mea, aita'tu e taata e hinaaro i te tama'i atu ia Golia, o Davida iho ia te haere atu, tera ra, e ere ia oia i te faehau, e haere ra oia, ma te tia mamoe noa a to'na ra metua tane. Area ra mea titau roa hia te hoê taata ia haere ihoa i rapae no te haamamu atu ia Golia. Inaha, ua feruri ihora Davida, no to'na faaroo i te Atua, e riro ihoa ia oia i te tauturuhia e Ana ra, no te taparahiraa ia Golia. E no to te arii hoi papu ore i te puai o Davida, e to'na atoa ra hoi ite i te tama'i ua parau atura taua tamaiti apî nei, "*Ua taparahi a'e nei oia i te hoê Liona e te hoê daba (ours), i te taime hoê ra, o to ratou haru-haere-raa i te mamoe, e na na ô atoa'tura oia, "E teie Philiseti hoê roa o ratou ra, i te mana'oraa e, e pau ia te nuu o te faaearea o te Atua". Ua parau atura Davida ia Saula, "na te Atua van i faaora mai, mai te Liona e te daba mai, no reira e faaora atoa mai oia ia'u i te rima o teie nei Philiseti". I reira, ua parau atura Saula ia'na, "A haere, ei pihaiho te Atua ia oe".*

I reira, na hopoi maira te arii ra o Saula i to'na iho ahu tama'i, e faaahu atura ia Davida. Tun atoa'tura i te hoê tapoo veo nehehe roa i nia i te upoo o teie nei tamaiti apî mai to Golia atoa ra te huru, e ua horoa atoa'tura i te hoê o'e nehehe roa no te tamau atu i te tahi paeau ona ra. Tera ra, aita roa Davida i matau i te tama'i ma te rave i te o'e, e ma te afai hoi i te ahu veo. Ua rave noa ihora oia i ta'na raau, ta'na maa, e hoê pute no te vairaa i na ofai paia e pae ra. E haere atura oia ia Golia.

E i to teie taata rahi iteraa mai ia'na i te haereraa mai, ua faavahavaha ihora oia i teie nei tamaiti apî. E i to'na atoa ra hoi hi'oraa i te raau tia mamoe e te maa a Davida ra, na faaino ihora oia ia'na, ma te pii atu e, "E uri anei hoi au, a haere mai ai oe ma te raau ra? A haere mai na ia'u nei, e na'u oe e parau atu na te mau manu o te reva, e te mau manu o te fenna nei."

Aita roa hoi Davida i ri'ari'a noa'e. Ua parau atura oia, "Te haere mai ra oe ia'u nei ma te o'e, e te mahae, e te paruru; te haere atu nei ra vau ia oe ma te io'a o te Atua Saboota ra o Iehova, te Atua no te nuu o Iseraela ra, tei vahavahabia e oe ra. Na Iehova oe e tun mai i ta'n rima aua nei, e e tapu-e hia e au to upoo na; e e horoa'tu vau i to mau tino o te nuu atoa a te Philiseti, na te mau manu o te reva, e na te mau manu o te fenna nei i teie nei mahana; ia ite to te ao atoa nei e, e Atua to Iseraela."

E faaroo rahi hoi to Davida, e ua ite atoa hoi oia e, na te Atua ia oia e tauturu mai. E ma to'na parau pinepine noaraa ia Golia, ua na ô atoa'tura oia e, E ite hoi (na nuu rarahi e piti nei) e, e tia ia Iehova ia faaora eiaha noa'tu ei o'e, eiaha ei mahae; na Iehova hoi teie nei tama'i, e Na'ua outou e tun mai i to matou rima."

I reira ihoa ua riri roa ihora taua taata rahi Philiseti nei i te parau a Davida ia'na ra, ua horo maira oia i taua

tamaititiai mainoenei. Area ra, aita roa'tu Davida i mata'u noa'e. Aita hoi oia i horo noa'tu mai ta teie taata Philiseti i rave. Area ra ua horo etaeta atoa ihora oia e farerei ia Golia. Iriti ihora oia i te hoê ofai mai roto mai i ta'na ra pute, e i roto hoi i na ofai ra e pae, e tuu atura i roto i te maa, e maa atura, e mau u'ana atura te ofai nei i te rae o Golia, e moe atura tana ofai nei i roto i to'na rae.

Mairi tipapa noa ihora tana Philiseti nei i raro i te repo. I reira ua horo atura Davida, e tia noa'tura i ma ia Golia, na rave ihora i ta'na o'e, unuhi a'era i rapae i te vehi ra, e taparahi pohe roa'tura ia'na i tana o'e ra, e ua tapu maira i te upoo.

E i to te mau philiseti iteraa e, na pohe to ratou aito ua ri'ari'a roa ihora ratou, e ua horo ana'e atura. E i te iteraa hoi i te ohipa i tupu, na tia a'era te mau taata o Iseraela i nia, umeria ihora, e auau ihora ia ratou, e taparahi ihora tei roaa mai ia ratou ra, e rave rahi hoi tei taparahi-pohe-roa-hia. Ei muri a'e i te auauraa, ua boi maira ratou i te puhapa o te Philiseti, e haru ihora i to ratou ra puhapa, e haamou atoa ihora tei toe mai, e rave ihora tei au ia ratou ra.

I reira, ua rave ihora Davida i te upoo o Golia i te puhapa o Iseraela, ei muri mai ua afai atura ratou i te reira i Ierusalema ia faaite atu i te mau taata i reira ra.

Papaihia e Tahakura Hutihuti

Te Mau Buka Mo'a

Te Tuatiraa teie

TE BUKA A MOROMONA

Mai tei itehia e tatou atoa nei, ua iritihia mai te Buka a Moromona, e te peropheta o Iosepha Semita, no nia mai i te tahi mau papaa parau tahito tei horoahia mai ia'na e te melahi ra o Moroni. Tei roto ia'na ra te tuatapaparaa

paran, te mau raveraa pae faarou te mau ite, te mau haapii-
 raa, te mau oro'a e tae noa'tu te mau peu atoa o na pūpū
 rahi taata e toru tei parahi i nia i te fenua rahi ra o America
 i mutaa ihora. Te pūpū matamua roa ra, o tei parauhia te
 mau feia o Iareda ra, e sore râ, te ati Iareda, na haere mai
 ratou i te fenua America, mai te Pare o Babela maira i te
 taine ta Iehova i haapeapea mai i te reo o te mau taata ra,
 e ua faaea noa ratou i nia i taua fenua ra no na matahiti e
 2.000 e tiabapa ra. Ua faaitebia to ratou paran tuatapapa i
 te Buka a Etera, oia hoi te haapotoraa ia tei ravehia e Moro-
 ni no nia mai i te mau api metalo e piti ahuru e ma maha,
 tei itehia e te mau feia o Limehi ra. Te piti o teie nau
 pūpū taata rahi e toru ra, na parauhia ia ratou i te parau
 ra e ati Nephi. Ua haere maira ratou, mai Ierusalema mai,
 i raro a'e i te aratairaa o Lehi metua e ta'ua ra tamaiti o
 Nephi, e na tupu noa ratou i te rahi raa, i roto i te area ra
 e 1.000 matahiti e tiabapa. Ua tupu ratou, i nia i te fenua
 America, ei nuaa rahi e te puai hoi. Te faaite mai nei te
 pae rahi o te parau tuatapapa, i roto i te Buka a Moromoua,
 i te mau mea tei tupu mai i rotopu i te mau ati Nephi e te
 ati Lamana (te mau tupuna o te ati Initia i America). e te
 mau haapiiraa ora i roto i teie nei buka, no ô mai ia ia
 Iehova ra, tei tuuhia mai na roto mai i te vaha o ta'ua ra
 mau peropheta mo'a, e te parau atoa hoi no Iesu Mesia,
 ia'na i parahi maoro rii i rotopu ia ratou i muri a'e i to'ua
 tia-faahou-raa ra. Ua parauhia te toru o teie nau pūpū i te
 parau ra e ati Muleka. Ua haere atoa mai ratou, mai i
 Ierusalema mai, 14 matahiti paha i muri a'e i te ratereraa
 o te mau ati Nephi ra, i te matahiti paha e 586 hou ia Iesu
 Mesia. I te matahiti paha e 200 hou Iesu, faarue atura te
 ati Nephi to ratou tiahapa tahito e haere atura ratou i te pae
 apatoeran o te fenua America ra. A ratere noa'i ratou ite
 a'era ratou i te mau ati Muleka o te parahi ra i te oire ra o

Zara
 ratou
 i roto
 Nephi

i te n
 mau
 roph
 faar
 Buka
 te ha
 faati
 auro
 A hi
 rator
 faait
 mau
 iritir

ma t
 faar
 e rav
 na e
 toote
 faat
 e te
 ia m
 faau
 mau

mo'a
 Mah

Zarahemela ra. Anna i hora teie nau ati e piti e riro atura ratou ei nunaa hoê e mo'e atura te huru o te mau ati Muleka i roto i to ati rahi ra o Nephi e riro atura ratou atoa ei ati Nephi.

Te faatia nei te Ekalesia a Iesu Mesia i te Feia Mo'a i te mau Mahana Hopea nei i te Buka a Moromona ei parau mau na te Atua ma te feaa ore e iti noa'e. Ua papai te pe-ropheta ra o Iosepha Semita, i roto i te hoê o te mau Hiro'a Faaroo i te parau i muri nei, "Te faaroo nei matou e, o te Buka a Moromona ra, o te parau mau ia a te Atua." No te haapapu maitai i te huru mo'a mau o teie nei Buka, ua faatia te Atua ia faaite te Melahi ra o Moroni i te mau api auro ia Olive Tandere, Davida Vitima e ia Maratini Haereti. A hi'opoa noa'i ratou i tana mau api auro ra, faaroo a'era ratou i te reo o te Atua, no te ra'i mai i te faaueraa mai ia faaite atu i te reira i to te ao atoa nei e, ua iritihia mai te mau paran na roto i te mana o te Atua e ua tia roa hoi te iritiraa hia mai.

I te otiraa o te orama papai atura ratou i te hoê parau ma te faaite atu e, ua ite mata ratou i te mau api auro e ua faaroo taria mau ratou i te reo o te Atua e aita roa ta ratou e ravea no te patoi atu i te mau mea maere ta ratou i faaroo na e ta ratou hoi i ite mata na. Riro i hora ratou ei na ite tootorn no te parau mau e na neiahia hoi ta ratou parau faaite i roto i te mau Buka a Moromona atoa o tei neneihia e te Ekalesia nei no te mea, na faane mai te reo o te Atua ia matou ia faaite atu i te reira e ia haapao ihoa matou i te faaueraa a te Atua, no reira te faaite atu nei matou i teie mau mea... (No roto mai i te parau faaite a na ite tootorn)

TE BUKA FAFAU

Te Buka Fafau, o te toru ia o te mau buka papairaa mo'a ta te Ekalesia a Iesu Mesia i te Feia Mo'a i te mau Mahana Hopea Nei, e tei roto oia i te hoê vahi faahiahia e

te teitei hoi, i roto i te tabula o te mau buka mo'a a te Ekalesia nei. Ua tatūfaahia teie nei buka i roto i na tufaa e 136 e tei roto i te reira mau tufaa te heheuraa tei hehenbia mai ia Iosepha Semita, e te Atua, mai te matahiti 1823 mai â e tae noa'tu i te matahiti 1844. Area râ, na tufaa e piti i te pae hopea o taua buka ra, no te mau tau ia i muri iho i te poheraa o Iosepha, oia hoi, mai te matahiti 1844 e tae noa'tu i te matahiti 1847. Tei roto i teie nei buka te mau hinaaro e te mau parau a te Atua no nia i te faahoiraa hia mai o te Evanelia a Iesu Mesia i te mau mahana hopea nei, e te mau haapiiraa tumu tei faahuru-ê-hia na roto i te tupuraa o te Taivaraa Rahi, i mutaa ihora, ua faaite-papu-faahouhia mai ratou, ma te haavare ore, i roto i te buka fafau, no te mea e mea horoahia mai ratou, ia Iosepha Semita, e te reo iho o te Fatu ra.

Ua papai-haapapu-faahouhia mai, i roto i teie nei buka heheuraa, te mau faufaa ta te Fatu i fafau atu i to'na mau feia i maitibia e Ana ra i mutaa ihora e tae noa'tu te mau faufaa Ta'na e fafau nei no te mau tamarii a Iseraela i teie nei mau mahana hopea nei. Te vai atura i roto i teie nei buka, a taa-ê atu ai te parau no te Evanelia, te mau tohuraa e rave rahi no teie nei mau tau hopea nei o te tia roa hoi ia haapaohia e te mau nunaa atoa e vai nei no te mea, "e reo faaara i te mau nunaa atoa" taua mau tohuraa ra.

I roto i te hoê o ratou ra te faaroo nei â tatou i te reo o te Atua i te poroiraa mai e, "A faaroo mai, e te mau ra'i ra, a tuu mai i to oe taria, e te fenua nei, e a oaoa outou, e te mau taata e parahi ra i reira, no te Atua ihoa te l'atu, e aita'tu hoi e faaora ê atu Ia'ua." No reira ua faatihia te Buka Fafau e te Ekalesia a Iesu Mesia i te Feia Mo'a i te mau Mahana Hopea nei, o te reo, te hinaaro e te mana'o mau ia te reira o te Fatu, e Ta'na atoa hoi mau haapiiraa o te tia ia haapaohia e tatou atoa nei.

Papaihia e Meo Orometua.

LA BRANCHE FRANCAISE

Nous sommes très contents de notre petite Branche française et de son accroissement durant les mois passés. Quoique nous ne sommes pas très nombreux, nous avons un bon noyau sur lequel nous pouvons bâtir cette organisation nouvelle. Nous continuons à avoir nos réunions tous les dimanches matins à dix heures et demi dans le salon de la Mission Mormone, mais déjà nous nous trouvons souvent trop nombreux pour le salon de la Mission. Cela ne fait rien! car, nous avons l'espoir de bientôt commencer les réunions de la Branche française dans la chapelle en continuant de travailler en concert avec les réunions de la Branche tahitienne mais à des heures alternées. Nous vous invitons à amener vos amis à ces réunions.

Nous sommes très heureux de vous annoncer que M. Michel Doucet s'est fait baptiser ce mois-ci et qu'il sera parmi nous dans la Branche française.

Nous venons de recevoir de notre Mission qui se trouve à Paris une copie de leur journal, savoir, "L'ETOILE (la Voix française de l'Eglise Restaurée)". C'est un très bon journal avec les nouvelles courantes de l'Eglise aussi bien que les activités de toutes nos Branches en France. Plusieurs membres de notre Mission ici à Tahiti ont déjà exprimé leur intérêt à s'abonner à ce journal. L'Etoile sort chaque mois et peut vous appartenir pour 80 francs seulement par an. On peut s'y abonner au bureau de la Mission Tahitienne.

Notre Branche française aussi bien que la Branche tahitienne de cette Mission organiseront ensemble une "GRANDE SOIREE MUSICALE" encore cette année au cinéma Rambou les 4 et 5 Septembre. Notre chœur, "Les

Barcarolles'', de plus de soixante voix est en train de bien pratiquer ces jours-ci en anticipation de cette Soirée. La musique du programme a été choisie parmi les meilleurs arrangements musicaux venant de France, d'Amérique, et de Tahiti. Il y aura aussi les vieilles danses tahitiennes exécutées par des vieilles aussi bien que les jeunes, et en plus, beaucoup d'autres surprises agréables du théâtre. Soyez sûrs de vous rappeler les dates... les 4 et 5 septembre 1956 car nous vous invitons tous de nous assister à cette grande fête. Les Barcarolles ont déjà choisi leurs officiers pour l'année 1956, savoir Hiro Mariteragi, Président; Tahakura Turoa, Vice-Président; Kahiti Mariteragi, Secrétaire; et Elisa Tahuhuatama, Bibliothécaire.

Comme d'habitude, nos missionnaires continuent à aller de maison à maison ici. Nous croyons qu'en discutant et en examinant l'Evangile, on peut trouver la vérité dans un monde de confusion. Nous ne leur poserons aucune question d'ordre monétaire, mais seulement quelques questions pour connaître leur intention réelle de rechercher la vérité. Pendant nos discussions ces mois-ci, d'autres questions spéciales nous furent fréquemment posées et en conséquence, je les inclus aussi bien que leurs réponses dans cet article.

I. Nous n'avons pas besoin d'une foi nouvelle. Nous sommes satisfaits et contents de la nôtre.

Si le parfait contentement est l'état mental du croyant d'une autre foi, et s'il ne peut pas trouver après une investigation sérieuse des vérités plus profondes dans l'Evangile restauré de Jésus Christ, il est convenable qu'il vive ainsi le plus possible en accord avec ce que sa propre foi lui enseigne.

Il arrive souvent que quelqu'un est satisfait parce qu'il ne connaît rien autre de mieux. Avant la découverte de la lampe à incandescence, l'homme était satisfait avec des moyens d'éclairage plus rudimentaires. Le devoir de l'homme pour rechercher la vérité est d'une importance primordiale, et c'est ce devoir que proclame l'Evangile restauré de Jésus-Christ.

II. Votre religion n'est-elle pas un produit américain et convenant plutôt aux conditions de l'Amérique?

En réalité, le rétablissement de l'Evangile a eu lieu en Amérique, mais les vérités en sont éternelles et par conséquent, applicables à l'humanité entière. La religion que nous représentons ne peut pas plus être considérée comme un produit américain que la chrétienté d'aujourd'hui un produit juif. LA VERITE EST EN DEHORS DES QUESTIONS DE RACES ET DE NATIONALITES.

III. Prétendriez vous par votre présence ici, que toutes les autres religions sont fausses et que la vôtre est la seule vraie sur la terre?

Toutes les organisations qui travaillent à éclairer les hommes possèdent en elles des éléments de vérité non négligeables, mais la diversité de leur doctrine révèle une confusion dont Dieu n'est pas l'auteur. Nous proclamons, toutefois, que l'Eglise de Jésus-Christ des Saints des Derniers Jours enseigne la vérité complète concernant la progression éternelle de l'homme et l'autorité divine nécessaire pour administrer sur terre les ordonnances de l'Evangile par lesquelles l'homme peut atteindre au plus haut degré d'élévation.

Préparé par l'Ancien Thomas Stone

Te Mau Haapiiraa No Te Ava'e Setepa

TE PARAIMERE

IRAVA TAMAU AAU NA TE PARAIMERE

"E te mau tamarii ra, e faaroo i to outou mau metua i te mau mea atoa nei, e mea mauruuru hoi te reira i te Fatu nei." (Kolosa 3:20)

Pupu 1: (I raro i te 4 no to ratou matahiti)

Hebedoma 1: Amuiraa i Papeete

Hebedoma 2: Te Faaturaraa i te mau vahi haamoriraa, (Mataio 21:12-13)

Hebedoma 3: Te Hamani Maitai i te Metua tane, e te Metua vahine (Ioane 19:26-27)

Hebedoma 4: Te hamani maitai i te mau taeae e te mau Tuahine

Pupu 2: (5-6 Matahiti)

Hebedoma 1: Amuiraa i Papeete

Hebedoma 2: Te uiui-noa-raa te Tahiti i te Tahiti. (Luka 19:2,10)

Hebedoma 3: Te Tufaa Raa (II Arii 4:8-11)

Hebedoma 4: Te oaoaraa (Ohipa 9:1-18 e te pene 16:22-34)

Pupu 3: (7-8 matahiti)

Hebedoma 1: Amuiraa i Papeete, mai te mea ra no rapae i Papeete a haapii i te hoê haapiiraa i vaihohia i te tahi taime, e aore ra hi'opoa i te mau haapiiraa.

Hebedoma 2: Na ture hoê ahuru ra. (Exodo 20)

Hebedoma 3: A faatura'itu i te metua tane e te metua vahine.

Hebedoma 4: Na ture e pae hopea ra.

Pupu 4 e te 5: (9-12 matahiti)

Hebedoma 1: Amuiraa i Papeete

Hebedoma 2: Te Tiamaraa no te haamoriraa

Hebedoma 3: Te vaiho-noa-raa i te Pae Faaroo
(Alama 27; Mataio 7:12)

Hebedoma 4: Te hoê parau faaite (Ioane 7:16-17)

TE HAAPIIRAA SABATI

Te Parau Haamana'oraa Oro'a:

*“E te mau mea'toa ta outou e ani ma te faaroo, ia pure,
e noaa ia ia outou”.* (Mataio 21:22)

Pupu 1: (I raro i te ono o to ratou matahiti)

E amuihia te Amaa farani e te Amaa ma'ohi i ro-
to i te pupu hoê, e na te orinetua e aratai ia
ratou.

Pupu 2: (8-9 matahiti)

Hebedoma 1: Hagota te taata hamani Pahi

Hebedoma 2: E faaterehia te Amuiraa Missioni
i Papeete

Hebedoma 3: Te mau tohuraa a Nephi (Hele-
ma 8: 26-28. e te pene 9)

Hebedoma 4: Te mana o Nephi (Helemana, pe-
ne 10, e te pene 11: 1-18)

Hebedoma 5: Ei hi'opoaraa no te mau haapii-
raa no teie ava'e.

Pupu 3: (10-12 matahiti)

Hebedoma 1: O Davida i roto i te Medebara o
Iudea ra. (I Samuela Pene 18; e
te pene 26 e te pene 30)

Hebedoma 2: O te Amuiraa Missioni i Papeete

Hebedoma 3: Te tiaï mamoe tei riro ei Arii
(II Samuela pene 1 e tae noa'tu i
te 24)

Hebedoma 4: O Solomona, te taata hamani Hi-
ero. (I Arii pene 1: 39-40: pene
2:12; pene 3: 3-28; pene 5, e te
pene 8; pene 9:1-9; pene 10:1-10
e te pene 11

Hebedoma 5: Ei hi'opoaraa no te mau haapii-
raa no teie nei ava'e

Pupu 4: (13-15 matahiti)

Te mau parau tumu i roto i te Buka, "Ta Ie-
su i Haapii"

Pupu 5: (16-19 matahiti) No roto mai i te Hiroa Faaroo

Pupu 7: (Te Feia Paari) No roto mai i te Buka "Poe
Tao'a Rahi"

TE MAU TUAHINE

E haapii te mau Tuahine i te parau no nia i te Buka
a Moromona mai te au i te haapiiraa i haaponohia'tu.

Te parau tumu na te mau Tuahine no te ava'e Setepa
e te irava tamanu aau atoa hoi.

*"E teie nei, e to'u mau tamarii tamaroa e, te parau
atu nei au ia outou i teie nei mau mea ei faufaa e ei haapiiraa
hoi no outou; no te mea te vai nei te Atua, e na'na i hamani
i te mau mea atoa ra; i te ra'i e te fenua hoi, e te mau mea
atoa o roto ra: te mau mea ia ohipa, e te mau mea ia ohipa-
hia."* (II Nephi 2:14)

TE FEIA API

Te parau tai'o na te Feia Api: *"Aore hoi au i haama i te
Evanelia a te Mesia ra, no te mea o te mana ia o te
Atua ia ora tei faaroo ra: Te Ati Iuda na e te Here-
ni atoa hoi."* (Roma 1:16)

- Pupu 1: (I raro i te 12 matahiti) Te mau Aamu no roto mai i te parau tuatapapa no te Ekalesia.
- Pupu 2: (13-16 matahiti) Te haapiiraa Scouts
- Pupu 3: (17-25 matahiti) Te haapiiraa no nia i te buka a Moromona mai tei haponohia tu ia outou.
- Pupu 4: (Feia Paari) Haapii no nia i te PARAU TUATA-PAPARAA NO IOSEPHA SEMITA. (A haapii outou i te hoê pene i roto i te hebedoma hoê

TE AUTAHU'ARAA

Te haapiiraa na te mau haapii hahae: Hiroa faaroo N° 9
 "Te faaroo nei matou i te mau parau i heheuhia mai e te Atua i mutaa ihora, te mau parau ta'na e heheu mai i teie nei, e te faaroo nei ho'i matou e e riro a oia i te heheu mai i te hoê atu â man parau maitai e te faufaa rahi i to'na ra Basileia.

1: Mau irava parau api 3; api 95-96

2: Iakobo 4:8; Amosa 3:7

3: Buka Fafau 68:4 "E te parau atoa ta ratou e parau, ia uruhia ratou e te varua maitai, ei parau mo'a ia, o te hinaaro ia o te Fatu, o te mana'o ia o te Fatu, o te parau ia na te Fatu, o te reo ia no te Fatu, e te mana'o no te Atua, e tae noa'tu i te oraraa."

4. Ioane 9:28-29

5. Apokalupo 14:6; Ohipa 3:19-21; Mataio 21:43

6. Mataio 16:17

7. Ioane 17:2 Tumu no te Evanelia, e te ora mure ore hoi

Te mau haapiiraa na to te Autahu'araa:

- Hebedoma 1: Te faaho'iraa mai o te mana Auhahu'araa (Ohipa 13:1-3)
- Hebedoma 2: Amuiraa Misioni i Papeete
- Hebedoma 3: Te Oro'a Bapetizoraa (Buka Fafan 20:71-74; Moroni 8:4-20. Mareko 10:13-16)
- Hebedoma 4: Te oro'a Bapetizoraa (Ioane 3:23; Mareko 1:4-5; Ioane 3:1-5)
- Hebedoma 5: Ei hi'opooraa i te mau haapiiraa no teie nei ava'e.

PARAU RII API

I roto i teie mau ava'e ua faaotihia te rahi na faaipoiporaa roo rahi, oia hoi, ua faaipoipo te potii a te peresideni tahito hau America i te hoê tane i Inedepenedeni Missouri. Ua rahi hoi te mau taata toroa rahi o tei tae mai no taua faaipoiporaa ra. Ua faaipoipohia raua i roto i te hoê fare pureraa porotetani e ua i roa te fare i te mau manihini o tei tae mai no taua faaipoiporaa ra.

I te fenua Monaco, oia hoi te hoê fenua tapirihia i te fenua Farani ua faaipoipo atoa te hoê potii Cinema no America i te Arii no taua fenua ra. O Grace Kelly ia te i'oa no taua potii ra, e ua itehia oia i roto i te tahi mau cinema, ua parauhia ona ei tamahine purotu roa. Ua faaipoipo hia raua i raro i te ture a te Hau, e i muri iho ua haere ihora raua i roto i te fare pure Katorika no to raua faaipoiporaa Ekalesia. Ua huru raua te mau tao'a aroha i hōroahia mai ia raua, e ua rahi roa te mau taata roo rahi o tei tae mai no taua faaipoiporaa.

I teie mau mahana ua haamata te hoê machine ope i te heru i te repo i nia i te arahu auahi. E te rahi raa o taua machine ra, 4 metera te aano, e 4 metera te roa, e e 4 metera te teitei o to'na ope. Ua nehenehe ia'na ia ô e 20 metera i raro i te repo. E 22 tauatini puaahorofenua te puai no to'na machine.

POU MOO Gérant et Imprimeur, Papeete, Tahiti.
